



## МЕСЯЦА ОКТЯБРЯ В 7-Й ДЕНЬ

### Святых мученик Сѣргия и Вѣкха

На Господи, воззвах: стихиры на 6, глас 6.

Подобен: В се отложше:

**В**се презрѣвше земное могѹтство / и плоть возненавидѣвше, / Бога Святаго возлюбѣсте, / и, одеяние безчѣстное ругательне носяще, / с Небесе приясте света одежду / и ризу нерастерзѣемую, / с неюже ликующе, / венценосцы пребогатии, / покров нам всем бѹдите и одеяние, / жизни обнаженным змиѣным прельщением.

**Сѣргие** преславный / и прехвѣльный Вѣкше, / сосѹди Духа, / потѹцы, источающе всем целѣния, / наши хранителие / и крепцыи побѹрницы Церкви бывше, / самовольныя жертвы и заколенія честная, / свѣтѣльницы, озаряюще светом благочестія концы, / разрешите тьму належащую душѣм нашим / и мрак злобный весь отжените.

**Незаходѣмая** селѣния, / и разумное веселие, / и Свет Невечерний, / и жизнь безпечальную и негѣблемую, / от тлѣннаго телесѣ страдальцы славнии изшѣдше, восприясте. / Но молитесь сих и нам улѹчить, / страсти умертвѣвшим и грѣха уклѹбшимся, / Сѣргие и Вѣкше, / предстателе и пристѣанища верных, / со дерзновением молящеся о душѣх наших.

Слава глас 4:

**Сергий** и Вакх, светлая мучеников и сугѹбая заря, / мучителей бо свирѣпство низложѣсте, /

йдольскую же лесть упраздните / и Богоразумия  
совершенную тайну, / светлым гласом высокове-  
щающе, проповедасте; / ихже молитвами, Христе,  
сих Законодавче, / Подвигоположнице же и  
Венцедателю, / и нас сподоби на невидимыя и  
лукавыя силы / державно увязтися.

И ныне, Богородичен или Крестобогородичен.

Подобен: Яко добля:

Распинаема Христа Человеколюбца видящи  
Пречистая / и ребра ископоваема копием, / плачу-  
щи, вопиаше: / что сие, Сыне Мой? / что Ты  
безблагодатнии людие воздаша, / за яже сотво-  
рил еси добрая им, / и тщишися безчадствовати  
Мя, Вселюбезнейший? / Удивляюся,  
Благоутробне, / Твоему вольному распятию.

На стиховне Октоиха. Слава, глас 8:

Укрепися Христовых мученик на враги  
ополчение, / в нихже, яко светильницы мирстии,  
свѣтят, / благославнии и изряднейшии страсто-  
терпцы, Сергей и Вакх. / Сим обрати плещи  
лукавое ополчение демонское. / Сим почудисася  
мучителие, и удивисася Ангели, / видяще без-  
плотнаго от плотных попираема. / Верных же  
Церковь, всепразднственный праздник / и  
мирскую радость совершаючи, вопиет: / Иже  
немоцию плотскою Связавый крепкаго, / молит-  
вами святых Твоих спаси души наша.

И ныне, Богородичен или Крестобогородичен.

Подобен: О преславнаго чудесе:

Что зримое видение, / еже Моима очима видит-  
ся, о Владыко! / Содержай всю тварь, / на Древо  
воздвиген быв, / и умираеши, всем дай жизнь, /  
Богородица плачущи, глаголаше, / егда узре на  
Кресте возносима, / из Нея неизреченно возсияв-  
шаго Бога и Человека.

Тропарь, глас 5:

Удобрение Христовых страсотерпец / и очи  
Христовы Церкви, / очи просветите душ наших, /  
Сергие многострадальне и Вакше преславне: /  
молитесь ко Господу, / яко да убежим тьмы  
греховныя / и Света явимся общницы невечерня-  
го / молитвами вашими, святии.

## НА УТРЕНИ

Канон святых на 6, глас 1, егоже краегранесие: Сергия страстотерпца и Вакха приснопамятнаго пою. Феофаново.

## Песнь 1

**Ирмос:** Твоя победительная десница / Боголепно в крепости прославися; / та бо, Безсмертне, / яко всемогущая противныя сотре, / израильтяном путь глубины новосодѣлавшая.

**Сергие, угодниче Христов, / смолѣбника приим и спомощника Вакха приснопамятнаго, / с нимже страсти Богомудренно совершил еси, / слово мне мудрости, вас поющу, даруйте.**

**На недвижимем Христовы камени веры, / святии мученицы, положивше основание, / на твердем степени утверждени, / забрало и столпї благочестия явїстеся.**

**Глаголом веровавше Христовым и к Нему неуклонно взирающе, / все оплевасте преходящее благославие, святии, / славы же присносущныя уязвени бысте рачением.**

**Рода, и отечества, и чести Христа ради обнажившеся, веселястеся; / и, одѣяни в женолепное одеяние, / мужемудренно нетления одеждею светло облекостеся.**

**Богородичен:**

**Милостива быти верным и благоувѣтлива, / Богомати, умоли Слова, / Егоже родила еси телесно, к нам пришедшаго: / Ты бо Предстательницу и спасение стяжахом.**

## Песнь 3

**Ирмос:** Едине Вѣдый человеческого существа немощь / и милостивно в не воображся, / препояши мя с высоты силою, / еже вопїти Тебе, Святыи: / одушевленный храме неизреченныя Славы Твоея, Человеколюбче.

**Един Вѣдый яко Бог вся прежде бытия, / к Нему ваша ныне вїдев предложения, / мудрости словом, и Божественнаго знания, и твердаго смысла обильно исполни, / яко Своя воїни, блаженнии.**

**Законно угодницы Христу пострадаѣти избѣливше, / тлеющую славу и текущую, и мира всего, и миродержца / помыслом Богомудрым страстотерпцы мученицы возненавидесте, любовью Зиждителя.**

**Пречистыми** умá приложéнии Господу предсто́яще, / и от та́мо сущия зарí исполня́еми, / и неизреченнаго блаженства я́ве наслаждающеся, / вас чтущия от напáстей, страсотерпцы, избáвите.

**Богородичен:**

**Смертию** держим пёрвее Адам, / ныне избави-ся Твоим Рождеством, Едина Богоневесто: / Жизнь бо истинно Ипостáсную, соединéну плоти, Чистая, / по Ипостáси пáче естества и слóва родила́ еси.

**Седален, глас 8.**

**Подобен: Премудрости:**

**Мучениколю́бцы,** приидите, / разумныя б́исеры Господни и страсотёрпцы Сергия почт́им и Вакха святыя, / яко вра́жию лесть м́ужески попра́вшия и йдо́льскую всю крепость разорившия, / темже достойно с Небесе венцы победы приёмше, со Ангелы ликують. / К нимже вси возопи́им: / моли́те Христа Бога прегрешений оставл́ение дарова́ти / чтущим любовь святую память вашу.

**Слава, и ныне, Богородичен:**

**В** напáсти многоплетённые впад от враг видимых и невидимых, / бурю одержим безчисленных согрешений моих / и, яко к теплому заступлению и покрову моему, Чистая, / ко пристанищу притекаю Твояя благодости. / Темже, Пречистая, из Тебе Воплощённому безсе́менно моли́ся прилежно о всех раб́ех Твоих, / непрестанно моля́щихся, Богородице Пречистая, / моля́щи Его присно согрешений оставл́ение дарова́ти / воспевающим достойно славу Твою.

**Крестобогородичен:**

**А́гница,** и Пастыря, и Избáвителя / А́гница зря́щи на Кресте, восклицáше, пла́чущи, / и, горько рыда́ючи, вопия́ше: / мир убо радуется, приёмля Тобою избавл́ение, / утроба же Моя горит, зря́щи Твое распятие, / еже терпи́ши за милосердие милости. / Долготерпели́ве Господи, милости бездно и источниче неисчерпа́емый, / умилосёрдися и даруй согрешений оставл́ение / верою поющим Бож́ественныя Страсти Твоя.

## Песнь 4

**Ирмос:** Гóру Тя, благодатию Божию приосененную, / прозорливыма Аввакум усмотрив очима, / из Тебе избыти Израилеву / провозглашаше Святому / во спасение наше и обновлѣние.

**Светѣла** два от запада возсиявша, / противно зѣмлю тогда держащу нечестивому, творяща шѣствие, / к Твоему же востоку приидоша светонóсному, Христе, и спасительному.

**Ни** огонь, ни меч, ни гонения, ниже раны благочестиваго рáзума о Бозе разлучи вас, / жизнь бо преобидесте кончаемую, Его ради, достослáвнии, / и приясте блаженную сладость и негиблющую.

**Светѣльницы** истинно нелѣстнии / твердь Церкви Христовы озаряют светом Божественнаго сияния / и дýши благочестивых возвеселяют, чудес зари испущающе.

**Вакх** Божественный и преизящный Сергей, / лѣтным пременѣнием благочестия рачители и мучениколюбцы духовно на пѣршество призывают, / дóблести своя предлагающе.

**Богородичен:**

**Оружие**, двери Едѣмския хранящее, уступает ныне верным / и приемлет свѣтло Честно́ю Кровию, из Твоего чрева Рóждшагося, Всенепорóчная, / знаменаная видящее и благодатию.

## Песнь 5

**Ирмос:** Просветивый сиянием / пришествия Твоего, Христе, / и осветивый Крестом Твоим мира концы, / сердца просвети светом Твоего Богоразумия / православно поющих Тя.

**Прогна́вше** лѣсть истины оружием, и мучителей раны крепко претерпѣвше, / и победители бысте, от Христа венчавшися, / и ныне достойно веселитесь.

**Укрепляеми** непобедимую силою и благодатию Троицы, / двóица мученик низложи тьмы князя и тому порабо́щѣныя, / тем чѣстно ублажаются.

**Терпением**, и душевным мýжеством, и крепостию помысла / двóица мученик славная превзы́де всю гонителей горькую ярость / и со Ангелы водворяется.

Богородичен:

**Возсияла еси, Богомати, яко утро, / Солнце незаходимое, соединенное плотию по Ипостаси, / на руку носящи, Истинныя Правды: / тем Тя вси прославляем.**

Песнь 6

**Ирмос: Обиде нас последняя бѣдна, / несть избавляяй, / вменихомся, яко овцы заколения, / спаси люди Твоя, Боже наш: / Ты бо крепость немощствующих и исправление.**

**Целений источники мученик мѡщи богато источают; / почерпѣм усердно, убо вернии, и стратотерпцы ублажим, / славнаго Сергия и Вакха приснословущаго.**

**Ненавѣдяще беззаконных совселения и прѣлесть упраздняюще, / Небесное шествие благостойно Сергий и Вакх шествоваху / и ко Христову достигѡша пристанищу невлаемому.**

**Отверзаются страстотерпцем мучеником вратѡ Небесная, / благоговѣюще страсти честней, / подобней Бога нашего благодатней и прогоняющей дѣмонския полки.**

Богородичен:

**Истинно Тя, Матерь Божию, Пречистая, мудрствующе, возвещаем: / Безначальнаго бо Сына Единороднаго, прежде век возсиявшаго из Отца, / несказанно, Дево, родила еси.**

Кондак, глас 2.

Подобен: Вышних ищѡ:

**Разум на враги мужески вооруживше, / всю тех леств разрушите, / и, победу свыше приимше, мученицы всехвальнии, / единомысленно вопиюще: / добро и красно еже быти с Богом.**

Икос:

**На Небесех, Христе, живуще Сергий же и Вакх / и Божественнаго Света от Тебе исполняеми, / менѣ, во тьме невѣдения ходящаго, предварѣ скоро / и страстей исхитѣ, Едине Безсмертне, / одежду мне покаяния низпослав, / яко да светлым умом светносный сих праздник воспою и возпою, веселяся: / добро и красно еже быти с Богом.**

## Песнь 7

**Ирмос:** Тебе умную, Богородице, пещь / рассмотрим  
вернии, / якоже бо отроки спасе три Превозносимый, /  
мир обнові во чреве Твоем всецел, / хвальный отцев Бог  
и препрославлен.

Радуйся, двоице страсотерпцев славная; /  
радуйся, победившая светло мучительская  
прещениа; / радуйся, совершившая течение  
блаженное; / радуйся, пище, всегда внутри  
пребывающая; / радуйся, яснее предстоящая Богу,  
Богоблаженная.

Всесветлии на земли ходяще, / демонская оче-  
са и лица гонителей мученицы омрачисте светом  
благодати и зарями страдания, / хвального воспе-  
вающе Бога и преславного.

Храми Бога бывше одушевленнии Живущаго /  
и, живуще, страдальцы, силою Божию укреп-  
ляеми истинно, / полки победисте врагов,  
всеблаженнии, / крепкаго во бранех Бога песнь-  
ми восхваляюще.

**Богородичен:**

Пречистый Ты храм была еси и пресвятый  
кивот, / приеми Творца неописанного и  
непостижимаго, / во утробе Твоей вместивши,  
Единородного Бога Слова, / Благословенная Все-  
чистая Владычице.

## Песнь 8

**Ирмос:** В пещи отроки Израилевы, / якоже в горниле, /  
доброотоу благочестия чистее злата блещахуся,  
глаголюще: / благословите вся дела Господня Господа, /  
пойте и превозносите во вся веки.

Иже росю древле отроком пламень Про-  
кладивый, / стояция в подвизах укрепі Твоя  
мученики, поющия: / благословите вся дела Гос-  
подня Господа, / пойте и превозносите во вся  
веки.

Ядовитая и душевредная ласкания мучитель-  
ская умно страсотерпцы отразиша, / Христу во-  
пиюще и глаголюще: / благословите вся дела  
Господня Господа, / пойте и превозносите во вся  
веки.

Действительны хранители нам, Сергия и  
Вакха, / истинно венечники, Христос показá, хра-  
няция и поющия: / благословите вся дела Гос-

подня Господа, / пойте и превозносите во вся веки.

**Направи мою, Владыко Христе, молитвами мученик стезю добродетелей / и удобно Тебе взывати сподоби: / благословите вся дела Господня Господа, / пойте и превозносите во вся веки.**

**Богородичен:**

**Блажу Тя, Истинную Бога нашего Матерь, / радуйся, со Ангелом принося Ти, Чистая, Всенепорочная Владычице: / Тя бо непрестанно вся дела Господня поют / и превозносят во вся веки.**

### Песнь 9

**Ирмос: Образ чистаго Рождества Твоего / огнепальная купина показана неопальная, / и ныне на нас напастей свирепеющую угасити, молимся, пещь, / да Тя, Богородице, / непрестанно величаем.**

**Всего Христа стяжали есте, мир бо весь Того ради оставили есте, / и ныне, мученицы, в Небесных водворяетесь, / лики Вышних сил и мужей блаженных видяще светлости.**

**Даеши сопряжение всеизряднейшее похваления любовью Тебе приносящим, / благодать свыше и прегрешений оставление, / молящи Единого Милосердаго, к Немуже тщашеся, низоревностных небрегли есте.**

**Зарю Трисияннаго Божества просвещени, непобедимии мученицы, / многобожное прелестное безбожие и мучителей страх отринуша; / и ныне нетленные наслаждаются сладости райския.**

**Течение доброе совершивше, благочестиву же веру сохранить потщавшися, / недвижимое прияти сподобистесь Царствие, преславнии мученицы, / венцем доброты и благолепия увязени.**

**Богородичен:**

**О паче ума чудес Твоих! Божие бо Слово, плоть бывшее, / Едина родила еси преестественно, Мати Дево, / всяческая Божественным хотением содержащаго мудре и окормляюща.**

**Светилен.**

**Подобен: Учеником:**

**Светозарную двоицу страстотерпец, Сергия и Вакха, похвалим: / ран бо стремления пре-**



терпéша/ и гордыню низложíша всезлóбнаго мучителя Троическою силою.

**Богородичен:**

**Херувим явíся слáвнейши/ и Серафим показáся вь́шши, яко Бога рождши воплощённа,/ земным же показавша стезí правыя наступáти, ко спасению приводя́ция.**

**На хвалитех стихиры на 4, самогласны, глас 1. Гёрманово:**

**Давíдски вопия́ху Сёргий и Вакх мученицы:/ се ныне что добро́ или что красно́,/ но е́же жити братии вкúпе,/ не связúеми естества любовью, но веры нрáвом./ Темже святии врага попрáша,/ и, крест взёмше, Христу последоваша,/ и мо́лятся Царю и Богу/ даровáти душáм нашим вéлию милость.**

**Глас 4:**

**Прорóчески святым, сошédшеся, песнь возопийм:/ се ныне что добро́ или что красно́,/ но еже пребывати братии вкúпе,/ не срóдства последством,/ но веры совокуплénием Святаго Духа,/ тлénная бо отвергóша вся,/ взёмше крест на рáмена,/ и последоваша Христу Сёргий и Вакх, дóблии мученицы./ На Небесех же дерзновение имúщи,/ мо́лятся всегда о нас даровáти нам вéлию милость.**

**Обúвыйся Сёргий/ во уготóвание Евáнгельскаго мира гвоздéй обувéния,/ крóвию от ног теку́щею,/ змíя, наблюдающаго пýту нашу, ослепí/ и свидетельства венец прия́./ Тем молитвами их, Христе Боже,/ пригвоздí стра́ху Твоему плóти наша и помилуй нас.**

**Слава, глас 3:**

**Коль добро́ и коль красно́,/ самобрáтная мысль мученик Твоих, Господи,/ ихже бо естество плотскóе братий не сотвори́,/ сия вера братолóбная мúдрствовати до крóве сотвори́./ Тех молитвами, Христе Боже, помилуй нас.**

**И ныне, Богородичен или Крестобогородичен.**

**Подобен: Вéлия мученик:**

**Оружие сердце Твое прóйде, Пречистая,/ егда Сына Твоего на Крестé видела еси и вопия́ла**

еси:/ небезчáдну Мя покаж́и, Сыне Мой и Боже  
Мой,/ соблю́дй Мя по рождестве Деву.

На стиховне Октоиха. Слава, святых, глас 2.

Анатóлиевс:

В́идящи дрéвле Церковь Божия/ ваша подви-  
ги, мученицы всемирнии,/ днесь свéтло  
украшается/ и верно прáзднует в памяти  
вашей,/ яко ўтварь царскую, нося́щи срамоту́,/  
на Божественныя ваша в́ья наложéнную  
ругáтельне;/ еуже славы сподóбистеся Не-  
бесныя/ и безконечнаго блаженства.

И ныне, Богородичен или Крестобогородичен.

Подобен: Егда от Древа:

Егда Несквэрная А́гница/ виде Своего  
А́гнца,/ на заколéние, яко человека, волею  
влекóма,/ пла́чуши, глаго́лаше:/ безчáдствовати  
Мя ныне тщи́шися, Христе, рождшую Тя./ Что  
сие сотворил еси, Избáвителю всяческих?/ Обаче  
воспева́ю и славлю/ Твою, юже паче ума и  
слова,/ крáйнюю благодать, Человеколюбче.

На Литургии: Блаженны Октоиха и святых песнь 3-я на 4.  
Прокимен, глас 4: Святим, иже суть на земли Его, удивí  
Господь вся хотéния Своя в них. Стих: Предзрэх Господа  
предо мною выну, яко одесную менé есть, да не подви́жу-  
ся. Апостол ко Евреом, зачало 330. Аллилуия, глас 2: Се  
ныне, что добрó, или что краснó, но еже ж́ити братии  
вкúпе. Евангелие от Луки, зачало 106. Причастен: Радуйтеся:

В  
ТОЙЖЕ  
ДЕНЬ



Преподобнаго отца нашего Сэргия Обно́рскаго,  
Волого́дскаго чудотворца,  
ученика преподобнаго Сэргия Радо́нежскаго

НА ВЕЛИЦЕЙ ВЕЧЕРНИ

На Господи, возвах: стихиры, глас 2.

Подобен: Егда от Древа:

Егда вслед Бога возгорéся духом, пре-  
подобне,/ тогда, якоже дрéвле Авра́ам  
праведный,/ умéты вмени в мире су́щая/ и,  
отечество свое, Святу́ю Го́ру, оставив,/ пресели-  
ся в страну Богопросвещéнную,/ идеже обрете  
великаго светíльника преподобнаго Сэргия,/

ему же и последова, / Христу Богу угоден был еси, / Его же моли, блаженне Сѣргие, / спасти и просветити души наша.

Егда любви Божия воспали душу твою, премудре, / тогда мира красоты отвержеся, пребогате, / и удалися в пустыню дальнюю, / иде же на высоту взыде добродетелей, / пресветлое светило показася мірови, / озаряя весь мир чудесными сиянии, / о нем же моля Христа Бога / стадо твое сохранить от напастных нахождений, / и спасти, и просветити души наша.

Егда Христовым желанием уязвися, Сѣргие, / тогда плотская мудрвания обуздав, блаженне, / Христу последова невозвратным помыслом, / в пустыню вселися, в ней же подвизася, / плоть свою покори духови / и ученик стадо собора, Христу привел еси, / Его же моли спасти и просветити души наша.

Ины стихиры, глас 2.

Подобен: Киими похвальными:

Киими похвальными песнями восхвалим преподобнаго, / теплаго рачителя, / Божественных Ангел собеседника, и бесом прогонителя, / и преподобным и праведным единокровника, / и о нас молитвенника неложна, и ходатая непрестанна, / тем же Ему о нас прилежно молися / помилovati души наша.

Киими блаженными хвалами ублажим блаженнаго, / ублаженнаго Богом преподобнаго Сергия, / дивнаго в чудесех, источника Божественных даров неизреченных, / прехвальнаго в терпении, / столпа непреложнаго, / Божественнаго Христова рачителя, / молящася Господеву, / дарующаго душам нашим смирение и велию милость.

Киими смиренными устнами воскликнем святому / и псаломски восплещем духовными руками, / Христов ярём, имя возложшему / и стопам преподобнаго Сергия последовавшему, / похвале земли нашей Российстей, / церковному украшению, / иноком удобрению вкупе и утверждению, / предстателю сущим в бедях и скорбех, / путешествующим правителю, / сиротам

и обидимым заступника и больным врачу безмездну, / молящуся Господу о душах наших.

Слава, глас 8:

**Преподобне и Богоблаженне отче Сергие, / воистину уподобися Божественныя жизни, / постом и бдением изнуряя свою плоть, / и благими делы образ бысть иноком. / Аще бо и телесный язык умолчѣ, / но чудеса твоя свидетельствуют о предстательстве твоём, / людие бо, чтуще честную память твою, / велегласно прославляют прославльшаго тя Господа, / Емуже молися непрестанно / даровати православным христианом на враги одоление, / и вселенней смирение, / и душам нашим велию милость.**

**И ныне: Царь Небесный:**

Таже вход. Прокимен дне.

Паремии преподобническакия (зри страницы 791—792).

На литии стихиры, глас 6:

**Блажен еси воистину, отче Сѣргие, / яко истинным постом плоть свою умертвил еси, / душу же оживотворил еси, / с веселием и радостию по стопам Владыки Христа шествовавый / и узкий путь и прискорбный изволивший. / Темже пространства онаго Небеснаго наследовавый, / и со Христом царствуя в безконечныя веки, / и со Ангельскими лики веселяся, / с ними же о нас прилежно молися / помиловати души наша.**

**Преподобен еси, Богоносе Сергие, / любвѣ ради Христовы вся оставил еси, / красоту тлеющую и богатство мира сего нивотѣже вменив, / в пустыню вселися безмолвную и многожеланную, / в ней же, простираяся простирании Божественными, / безплотных враг победил еси / и никакоже тех устрашяся злоковарств и устрашений. / Аще бо и многжды на тя подвизающе / злонравных человек устремления, / хотяще тя изгнати от святаго места сего, / ты же тех молитвами победи, / Христу моляся непрестанно / спастися душам нашим.**

**Верую и любовию, о празднолюбцы, / сошедшеся днесь, псалмы и песньми восхвалим, / той бо на земли сей человек Небесный показася и земный Ангел, / в пустынях и горах со зверьми**

живяше, / взыская Господа своего день и ночь, /  
Егоже обрете добродетельми своими, / освящен  
дом Пресвятаго Духа содеяся, / от Него же воз-  
сия, яко пресветлое солнце, / чудесными сиянии  
просвещь весь мир, / к немуже возопиём: / о  
всенепорочная душе, / яко имея дерзновение к  
Богу, / моли спастися душам нашим.

Слава, глас 6:

Приидите правоверных собори, / иночеству-  
ющих множества, / днесь благочестию подража-  
теля, Сѣргия, / пеньми и песньми восхвалим, к  
нему глаголюще: / радуйся, преславне отче Сѣр-  
гие, отечеству пресветлый светильниче; / радуй-  
ся, яко чистѣйшему Свету совокúплься; / радуйся,  
Троице предстоя со Ангелы, / Юже моли  
непрестанно / даровати православным христи-  
аном на враги побеждение, / и миру смирение, / и  
душам нашим велию милость.

На стиховне стихиры, глас 1.

Подобен: Небесных чинов:

Яко в зерцале пресветле, / душевным своим  
оком взираше к будущему, / Богу скорбным путем  
и тесным шествоваше, / слезами своими землю  
омакаше, / яко финик, процвете во дворех  
Божественных, / молися о иже творящих пресвя-  
тую память твою.

**Стих:** Честна пред Господем / смерть преподоб-  
ных Его.

К Богу все свое желание умное, / преподобне,  
простерл еси / и сего ради не дал еси сна своима  
очима, / ни веждама дремание, / тем орган бысть  
Святому Духу, / подавая тобою всем исцеления, /  
приходящим к тебе с верою.

**Стих:** Блажен муж, бояйся Господа, / в запове-  
дех Его восхо́щет зело́.

Ревностию духовною уязви свою душу, / свя-  
тых Ангел житию на земли подражал еси / и на  
страсти телесныя подвизался еси, / мужественне  
плоть свою покорил еси дúхови / и сего ради  
наставник бысть иноком, / Сѣргие преподобне, /  
моли Христа Бога спасти души наша.

Слава, глас 8:

**Инок** множество наставника тя чтим, отче Сергие, / тобою бо стезю право ходити познахом, / блажен еси, яко, Христови работав, / и вражию разрушил еси силу, / Ангелом собеседниче / и преподобным единокровне и праведным, / с ними же молися Господеви помиловатися душам нашим.

И ныне, Богородичен: Безневестная Дево:  
Тропарь, глас 8:

**Желанием** духовным разгарашеся, пребогате, / слез твоих течением душу свою напоил еси / и еже из глубины въздыханми уязвляше сердце свое, / и бодренными молитвами, и всенощным предстоянием Владыце Христу / многодобродетелен плод принесе сам себе. / И сего ради яко Божий угодник светло миру показася, / сияя чудесы, Сергие отче наш, / теплый молитвенниче к Богу, всегда о нас Того моли, / да спасет души наша.

Слава, и ныне: Иже нас ради:

НА УТРЕНИ

По 1-й кафизме, седален, глас 1:

**Наста** днесь светоносная память преподобнаго Сергия, / приидите, вернии, давидски воскликнем, / Божественными песньми воспойм блаженнаго, / да приимем от него дары нетленные, / ибо он благоухает безсмертием, / душам источает нетление, телесем подает здравие, / моляся непрестанно о душах наших.

Слава, и ныне, Богородичен:

**Тя** песньми немолчными ублажаем, Дево, / яко от Троицы Единого родила еси, Богородице, / и носиши на Божественную руку пребогатое Слово непременно и неизменно, / Единая Благословенная.

По 2-й кафизме седален, глас 4:

**Преподобне** отче Сергие, / от юности возжелав Богови и сего ради удалився, / бегая, водворися в пустыню, / в ней же основание добродетелем на камени надал еси, / душу же свою непорочну соблюл, / Христу предложил еси, совершив, яже

Тем заповеданная, / и сего ради Духом Святым наставляем, / ученик стада́ собра, / научив их чтити Троицу Единосущную.

Слава, и ныне, Богородичен:

**Херувим** и **Серафим** превыше еси, Богородице, / Небеси и земли пространнейше, / и видимыя же твари и невидимыя явися преимуществе и неразумным разсуждением, / Егоже бо пространства Небес не вмещают, / в Своем чреве вместила еси, Чистая, / Егоже моли спастися рабом Твоим.

По полиелее седален, глас 8.

Подобен: Повеленное тайно:

**Возгнушався** маловременныя славы красоты мира сего, / смирением же и ницетою Христу последова, / многи болезни, и скорби, и напасти во внутренней пустыни сей подъял еси / и сего ради всяку добродетель Божественную в души собра, / молитвами же и пощением Господеви приближися, / от Негоже и по кончине нестаремую благодать восприял еси, / во гробе бо лежа, яко жив, чудеса твориши непрестанно, / прогоняеши духи и исцеляеши недуги / с верою приходящим и припадающим к тебе, / Богоблаженне Сергие, / моли Христа Бога согрешением оставление даровати чтущим святую память твою.

Слава, и ныне, Богородичен:

**Яко** Всенепорочная Невесто Творцу, / яко Неискусомужняя Мати Избавителя, / приятелище яко сущи Утешителя, Препетая, / беззаконию мя суща скверно жилище и бесом игралище бывша, / в разуме потщися и сих злодействия мя избавити, / светло жилище добродетельми соделавши, / светоприемнице нетленная, / разжени облак страстей, / Вышняго причастия сподоби / и Свету Невечернему молитвами Своими.

Степенна, первый антифон 4-го гласа. Прокимен: Честна пред Господем: Стих: Что воздам: Всякое дыхание:

Евангелие от Матфея, зачало 53.

По 50-м псалме стихира, глас 6:

**Приидите**, празднoлюбцы, сошедшеся днесь, / песньми и похвалами воспоем блаженнаго: / ино-

ком наставника, отцем похвалу, / источника исцелением, верным заступника велика, / бесом потребителя, страстем искоренителя, / светильника пресветлаго, чудотворца великаго. / К нему возопиём: / о всечестне Сергие преподобне, / не престай моляся Христу Богу / спастися душам нашим.

Канон Богородице на 6, Многими содержим:

Канон преподобному на 8, глас 8.

Песнь 1

**Ирмос:** Воду прошед яко сушу / и египетскаго зла избежав, / израильтянин вопиаше: / Избавителю и Богу нашему поём.

Воду страстей моих изсуши, Боже, / источник безстрастия излия души моей, / и дай же пети чистою душею и устнами Твоего преподобнаго Сергия, / яко да пою присно: / Избавителю Богу нашему поём, яко прославися.

Любовию Христовою уязвися, Сергие преподобне, / вслед Того усердно от души последовал еси, / восприя житие Ангельское, поя Богу: / Избавителю Богу нашему поём, яко прославися.

Утверди весь помысл в Божественная заповедания, / житейских молв отвергся, в пустынях скитаяся, / преподобному Павлу собеседник, блаженне, бысть, / с ним пояше: / Избавителю Богу нашему поём, яко прославися.

Богородичен:

Устави неуставное смущение помышлений моих, Богородице Дево, / иже Сыну Твоему направляющих движения, и сердечную болезнь утоли воспевающих: / Избавителю Богу нашему поем, яко прославися.

Другий канон, глас 2.

**Ирмос:** Во глубине постла иногда / фараонитское всеобинство преоруженная сила, / Воплощсея же Слово всезлбный грех потребило есть, / препрославленный Господь, славно бо прославися.

Тленная яже на земли оставив, востече к Небесным обителем, / Престолу всех Владыки предстоиши, / Емуже о нас молися, преподобне Сергие, восхваляющих присно память твою.

От юности Бóгови освятися, преподобне, / и к



Нему приближаяся добродетельми, полкі бесѡвскія потребил еси, / но и ныне отгоняеши нечистыя дѹхи от человек, молящихся с верою.

**Яко** крин, в пустыне Давидски процвѣл еси, преподобне, / обитель явися Пресвятому Духу и сего рáди славна показа тя вселенней, / у Негоже нам испроси оставление прегрешением нашим, тя, преподобне, восхваляющим.

**Богородичен:**

**Всесвятая** Богородице, Содѣтеля и Спаса всех рождши, поющим Тя, / спаси град Свой и обитель Свою, / не престай молящи за ны Сына Своего и Бога нашего.

### Песнь 3

**Ирмос:** Ты еси утверждение / притекающих к Тебе, Господи, / Ты еси Свет омраченных, / и поет Тя дух мой.

**Ты,** преподобне, начало премудрости прием, страх Божий, / и сего ради положи в души своей основание добродетели / и на сем основании утверди вся помышления, Господеви вопиюще: / поет Тя дух мой.

**Мудрованием** дѡльным высоту и смирение возлюбил еси / и на гору безстрастия взыде, / умертвив душевленные страсти.

**В** предстоянии ти молитвенном бодро имея душевное свое око, / во еже прозирати грядущая, яко настоящая, / сего ради сказоваше собеседнику своему, преподобному Павлу, хотящая ему послѣде быти.

**Богородичен:**

**Премудрость** и Слово Отчее несказанно родила еси, Богородице, / души моей лютую язву исцели / и сердечную болезнь утоли.

**Ин**

**Ирмос:** Процвела есть пустыня, яко крин, Господи, / языческая неплодящая Церковь / пришествием Твоим, / в нейже утвердися мое сердце.

**Яко** финик, процвете во юдоле плачевне, / в месте, идеже источники слез проливая, / возрастая Духом Святым, / от Него же независтная чудеса подаваеши нам.

**Не** восхотѣ славы сия тленные, но взыскуя Небесныя / и сего ради оставль вся, в пустыню

вселися, / постом и молитвами угождаше Бóгови / и сего ради прият от Него нетленную почесть трудов своих.

**Тесный и прискорбный** путь на земли шествовавшие, Богомудре, / пространствия онаго Небеснаго достигл еси, / отнюдуже с верою приходящим ти источаеши чудеса преславная.

**Богородичен:**

**Спасение** Тя на всяко время и место призываю, / не презри менé, Всенепорочная, / Яже Бога рождающая, Избáвителя, вкупе и Спаса моего.

**Седален, глас 4:**

**Житейских** молв удалися в пустыню, Господа, избавльшаго тя от лют, преподобне, присно чая, / и Тому прилепися, жизнь Ангельскую на земли поживé с плотию / и сего ради приял еси нестареющееся блаженство, / в немже ныне водворяясь, поминай нас, чтущих пресвятую память твою.

**Слава, и ныне, Богородичен:**

**Пречíстей** руце Твои, Богородице, Дево Мати, простёрши, / покрый уповающия на Тя, Сыну Твоему зовущия, / всем же подай милости Твоя.

**Песнь 4**

**Ирмос:** Услы́шах, Господи, / смотре́ния Твоего та́инства, / разумéх дела́ Твоя / и просла́вих Твое Божество.

**Вменяше** в сёрдцы своем, еже присно прилепля́тися Бóгови благо есть, / и сего ради на безмолвия по́прище при́иде, / в немже присно с Богом пребывая, вопияше: / силе Твоей слава, Человеколюбче.

**В** пусты́нном озлоблénии и скорбех зело обрета́ясь, прибежище и силу имейше Бога, / темже на Того возложí упование, / вся победил еси творя́щая ти напасти, блаженне.

**Желающу** ти, преподобне, во дворы́ Господни скончати жизнь свою, / день и ночь в молитвах и во бдениих не даде покоя телеси своему, / дондеже достиже присножелаемаго ти блаженства.

**Богородичен:**

**Просвети** мя, Владычице, заря́ми милости Твоя, / иже во тьме прегрешений моих сущи,

Девѣце,/ и к свету покаяния настави мя,  
молюся,/ и спасение жизни испроси у Христа  
Бога нашего.

**Иѣ**

**Ирмос:** Пришел еси от Девы не ходатай, ни Ангел,/ но  
Сам, Господи, воплощся,/ и спасл еси всего мя человека./  
Тем зову Ти: слава силе Твоей, Господи.

**Я**ко птиц, обрете себе пустыню безмолвия,/ в  
нейже подвизася, в слезах и умиленіи препрово-  
ди жизнь свою,/ темже свету и радости о́ноя сын  
бысть, моли о чтущих тя.

**Я**ко жив, с нами водворяяся,/ тако и ныне, с  
преподобными Владыце предстоя,/ моли избави-  
тися всем всякаго гнева, и прещенія,/ и будуща-  
го грешных томления.

**С**тадо, еже стяжá труды своими, отче,/ не  
остави, но посещай яко отец чадолюбив,/ всем  
же, притекающим к чудотворным твоим  
молитвам,/ подаждь согрешением разрешение.

**Богородичен:**

**Е**вина клятва упразднися Тобою, Богомати  
Всенепорочная,/ Воплощенно Слово родила еси  
Присносущное,/ Иже благословеньми мир вен-  
чавшаго.

**Песнь 5**

**Ирмос:** Просвети нас повеленіи Твоими, Господи,/ и  
мышцею Твоею высокою,/ Твой мир подаждь нам,/ Чело-  
веколюбче.

**В** молитвах и во бдениих прилежá Богови / и  
слéзными источники тело с душею Чистому пред-  
ставил еси,/ тем и по смерти твоей сподобися  
Небесных дарований.

**Обрѣт** тя равноангельна, преподобне Павле,/ в  
внутренней пустыни крѣющася, сподру́г твой  
и собеседник Сергей преподобный,/ тем вкупе и  
подвизáстася, и клеветá быста ближняя.

**Облекся** во Христово смирение и, яко я́гня  
незлобиво, Тому принесе себе,/ тем и землю  
кротких наследова,/ идеже водворяяся, славиши  
Господа.

**Богородичен:**

**Спасение** Тя на всяко время и место  
призываю,/ не прѣзри мене, Всенепорочная,/

Яже Бога рождшая, Избавителя вкупе и Спаса моего.

**Ин**

**Ирмос:** Ходатай Богу и человеком был еси, Христе Боже; / Тобою бо, Владыко, к Светоначальнику Отцу Твоему / от нощи неведения / приведение имамы.

**Ум** свой к Богу впери́в, вся, яже на земли сущая, преобидел еси / и сего ради, водворяяся ныне во обителех Небесных, / подавай нам присно спасение и избавление, / да вси тя, блаженне, воспеваем присно.

**Светлость** житія твоего, преподобне Сѣргие, всех просвещает, / слепым прозрение, хромым течение дарует, / всем же, празднующим пресвятую память твою, от грех разрешение.

**Потоки** слѣзныя гасило стяжа страстных разгорений, / огнем же любви Божия росе совокупися безстрастия, / Христу Богу нашему, / Ему же непрестанно о нас молися, подавай нам велию милость.

**Богородичен:**

**Се** во чреве, Богородице Пречистая, / Христа Бога паче слова имела еси, якоже Исаия предъизрече, / паче естества бо Сего, Богородительнице, родила еси.

**Песнь 6**

**Ирмос:** Молитву пролию ко Господу / и Тому возведу печали моя, / яко зол душа моя исполнися, / и живот мой аду приближися, / и молбюся, яко Иона: / от тли, Боже, возведи мя.

**Званию** Христову последова и, Того святое иго на себе взем, / вечный покой постиже, / идеже празднующих глас безконечный и непрестающая радость, / еже уготова Бог любящим Его повеления.

**Горлица** пустыннолюбная был еси в жизни сей, блаженне, / безпрестанныя слезы точащи, взыскав Господа своего день и нощь, / Его же обрете, ныне всякаго вреда лукаваго избавляй поющих тя.

**Благодать** твоя, преподобне Сѣргие, / благоухает ароматы Божественных дарований, / свет благочестия испускает верным.

**Богородичен:**

**Без семени зачѣнши Бога, / Зиждителя естеству нетленно родила еси, / Того моли, Богомати, спастися нам.**

**Ин**

**Ирмос: В бѣдне грехѡвней валяяся, / неизслѣдную милосѣрдия Твоего призываю бѣдну: / от тли, Боже, мя возведи.**

**От юности, блаженне, имел еси житие свое чисто и того ради Пречистому Владыце прилепѣся, / предстоиши ныне со Ангельскими лики, / присно источаеши преславная чудеса и исцеления / с верою приходящим к тебе.**

**Всякаго навета вражия избавити потщися, / яко да твою всесвятую память светло празднуем.**

**В пустыни безмолвия единствующу ти, Богоносе, / лукавый враг злонравных разбойник на тя воображает, хотя изловити Боголюбивую твою душу, / Бог же внят молитве твоей / победити того и ловления его.**

**Богородичен:**

**Во утробу Твою вселися / и, все человеческое существо восприим, обожѣ, Чистая, / преподобных множество священное привлечѣ.**

**Кондак, глас 8.**

**Подобен: Взбранной:**

**Яко звезда пресветлая, от Святыя Горы провозшедши, / доброты чудес твоих весь просветил мир, / Христов бо крест возьм, последова Ему, / в пустынном озлоблѣнии, в молитвах же и пощениих, / во бдениих же и злостраданиях изнунив плоть свою, / тем и Христос даром чудес одарѣ тебе, / Ему же о нас моляся, посещай чад своих, да зовем ти: / радуйся, Сергие отче наш, пустынный жителю.**

**Икос:**

**Закону Божию повинѹяся, от младѣнства путем прискорбным, блаженне, шествовал еси, / вся бо, яже в мире сладкая и красная, преобидев, вселися в пустыню, / в ней же крест свой взят, распя себе мѣрови, и мир тебе бысть распят. / Тем же от всех слышаще: / радуйся, яко презрел**

еси текущая и тленная;/ радуйся, яко, Богом наставляем, пустыню достигл еси;/ радуйся, яко в Нем подвизався, Богу угодил еси и врага победил еси;/ радуйся, яко собра ученик стадо, имиже и доньше Бог прославляем есть;/ радуйся, яко пресветлым житием своим святых Ангел удивí и человек пользова;/ радуйся, яко на Небеси со Ангелы ликовствуéши, Троице предстоя, и о нас мóлишися;/ радуйся, источниче чудесем неисчерпаемым;/ радуйся, Сергие отче наш, пустынный жителю.

### Песнь 7

**Ирмос:** Божия снизхождéния/ огонь устыдéся в Вавилоне иногда,/ сего ради óтроцы в пещí радованною ногою,/ яко во цвётнице, ликующе, пояху:/ благословен еси, Боже отец наших.

**В** чертóзех Небесных водворяясь,/ одежду световíдну нося и многими добродетельми преукрашену,/ моли обрести нам милость, поющим:/ отец наших Боже, благословен еси.

**Лучших** пóмыслом плоти вне быв, преподобне,/ страсти удержав и бéсом шатáния разорí,/ и ныне, с преподобными всеми в Небесных селех живый,/ вся чтущая тя спасай.

**На** горах добродетелей, яко елeнь, пребывая,/ ко Христу Камени неотторжено приразísя,/ у Него же рóсу приéм устужéний духовных желаний.

**Богородичен:**

**Телесныя** болезни и душевныя грехи, Богородíтельнице,/ прилежно приступающим к крову Твоему исцелíти сподоби,/ Яже нам Спаса Христа рождшая.

### Ин

**Ирмос:** Богопротíвное велéние беззакóннуююшаго мучíтеля/ высóк пламень вознесло есть,/ Христос же прострe Богочестíвым отроком рóсу духовную,/ Сый благословен и препрославлен.

**Сердце** стяжав чисто, вместíлище бысть Святаго Духа,/ и сего ради многоцелéбныя ти мощи святыя/ источник исцелений изливают поющим:/ отец наших Боже, благословен еси.

**Молитвенника** Ти, Владыко, приводим преподобнаго Сергия,/ тем просяще от грех

свободѣтися / и Твоим всеоружием сохранѣнным  
быти от наветъ вражиих.

**Плотское** взыграніе воздержаніем увядѣл  
еси, блаженне, / тем пастырь показася Боголю-  
безнаго ти стада, / о немже не престай моляся  
Христу Богу.

**Богородичен:**

**Святых Святаго**, Иже во святых Почивающа-  
го, свято породѣла еси, Дево Всенепорочная, / за  
милосердіе многое Человека бывша, / из Тебе  
воплощенна прежде Безплотнаго.

**Песнь 8**

**Ирмос:** Седмерѣцею пещь / халдѣйскій мучитель / Бого-  
честивым неистовно разжжѣ, / силою же лучшею спасѣ-  
ны сѣя видеи, / Творцу и Избавителю вопійше: / отроцы,  
благословите, / священницы, воспойте, / людие, превозно-  
сите во вся веки.

**Любовию**, еже ко Христу, распалаемь, /  
усердно вся, яже в пустыни сей, скорбная шѣ-  
ствія претерпел еси / и бесов лютая устремленія  
вся победив, / тем и достойным венцемъ от Бога  
венчася, / с преподобными ликовствуя, поѣши: /  
Господевѣ пойте и превозносите Его во веки.

**Плотское** мудрованіе, отче Сергіе, умертвил  
еси / и сего ради на Небесех со Ангелы жити  
сподобился еси, / идеже святых собори ликов-  
ствуют, непрестанно поюще с тобою: / Господа  
пойте и превозносите Его во веки.

**Слезным** теченіем просветил еси душу, / очи-  
стив ум свой от страстныхъ приложений, / Пресвя-  
тая Троицы домъ показася, с лики святыхъ  
вопиѣши: / Господа пойте и превозносите Его во  
веки.

**Богородичен:**

**Умертвенія** ми плод, иже дрѣвле естеством  
рай, / Жизни Ты Плод, Божественный рай, Бого-  
родице, процвѣла еси, / имже питаюся, не ктому  
смерти порабощенъ буду.

**Ин**

**Ирмос:** В пещь огненную ко отрокомъ еврейскимъ  
снизшедшаго / и пламень в росу преложшаго Бога, /  
пойте дела яко Господа, / и превозносите во вся веки.

**Твердым** помыслом на рамо крестъ взем, после-  
дова Христу яко инокъ преблаг, / и сего ради

благодать твоя изливает преславная чудеса/  
 благочестно Христа славословящим, блаженне  
 Сергие.

**У**тверждься крепостию Духа, всю вражью си-  
 лу смирил, / крепость и победитель быв, / верных  
 души просвещаеши Божественными чудесы и  
 знаменьями.

**П**одвигом Божественным, отче, в пустыни  
 подвижася / и сего ради предлежит тебе, препо-  
 добне, добраго делания венец, / тем Христу моля-  
 ся не престай о иже верою чтущих тя.

**Богородичен:**

**У**ныл имея помысл и душу, сластями  
 отягчену, / к Тебе прибегаю, Богородительнице  
 Чистая, вопию Ти: / воздвигни и спаси убо мя,  
 отчаяннаго и осужденнаго.

**Песнь 9**

**Ирмос:** Ужасеся о сем Небо, / и земли удивѣшася  
 концы, / яко Бог явѣся человеком плѣтски, / и чрево Твое  
 бысть пространнейшее Небес, / тем Тя, Богородицу, /  
 Ангелов и человек чиновачалия величают.

**В**зирании непрестанными, отче, иже к Богу,  
 умертвил еси плоть, победил еси врага / и ныне  
 преставися к Небесным обителем, / идеже со  
 Ангелы Бѣгови предстоя, славиши Сего присно.

**С**топам последовал еси преподобнаго Сергия, /  
 яко солнце возсиявшаго в России, / егоже от  
 Бога избавление стяжал еси, / с нимже ныне  
 Христови предстоиши, приемля богатая дары.

**Б**лаженства Божественнаго воистину сподо-  
 бися, Богомудре, / волею бо Обнищавшему нас  
 ради последова, / Егоже ради вся сущая в мире  
 преобидел еси, / и сего ради Той прослави тя  
 Божественными прославлении.

**Богородичен:**

**С**паси мя, Мати Божия, Яже мѣрови Спасение  
 рождшая, / от многообразных ми находжений, /  
 на Тя бо надежду спасения моего возложих  
 верно, раб Твой.

**Ин**

**Ирмос:** Безначальна Родителя Сын, Бог и Господь, /  
 воплощся от Дѣвы нам явѣся, / омраченна просветити,  
 собрати расточенна. / Тем Всепетую Богородицу вели-  
 чаем.



**На** горы святых заповедей востék, якоже Моисей древле, / тем Христа зриши ныне яве, яко иже в купине он, / отнюду источаеши нам, яко миро благодатное, животворныя воды исцелений.

**Мановéнием** Божественным удобряем, Сергие, / страсти всякия бысть непричастен и безстрастием, яко во одежду, облечеся, / тем и ныне пречистому Свету причащаяся, поминай нас, верно блажащих тя.

**Освященный** сосúde Христа Бога нашего, / Ангелом собеседниче и преподобным единокровниче и праведным, / прими сие, иже от недостойных уст приносимое, / испроси от грех моих избавление.

**Богородичен:**

**Светоносну** дверь Тя предзрящи Иезекииль, / Еюже прóйде Свет Истинный, Христос Бог наш, / Егоже прилежно моли́, Чистая, покаяния ми дверь отверзти, молюся.

**Светилен.**

**Подобен: Жены́, услышите:**

**Мирска́го** веселия яко от скверны уклонился еси, / постом и молитвами плоть увядил, / души своей крепость, преподобне, обновил еси, / славою обогатился еси Небесною, славне, / темже моля не престай о нас Господа.

**Богородичен:**

**Воистину** Тя, Богородице, исповедуем, Владычице, / иже Тобою спасшиися, / и Бога неизреченно родила еси, разоршаго Крестом смерть, / к Себе же привлекая преподобных соборы, / с ними же Тя восхваляем, Дево.

**На хвалитех стихиры, глас 8.**

**Подобен: О, преславнаго чудесе:**

**О, пресла́вное** чудо, / преблаженне Сёргие, / яко от нетленна источника, / от тебе источаются преславная чудеса исцелений, / приходящим ти с верою человеком, / бесы прогоняеши и / различные недуги исцеляеши молитвами, / спедшеся, любовью память твою почитаем.

**О, пресла́вное** чудо, / многими лéты землюю покровéно бысть святое тело твое / и забвено

бысть на долго время / неизреченными судьбами  
Божиими, / по сих же убо я́ве сотвори тебе, / яко  
свещильника вознесе тя / на свещник благотворе-  
ний человеческому роду, / темже молим тя, препо-  
добне Сергие, / посещай нас, тя почитающих.

**О**, преславное чудо, / по мнозех временех пре-  
ставления твоего / воистину, яко жив, / являеши-  
ся некоему иноку, / повелеваеши ему возвестити  
настоятелю святых ти обители, / да потребит и  
очистит место святых твоих мощей, / он же,  
презрев твое явление, / наказание прием своего  
ослушания, / ты же того паки помилова, / темже  
празднуем пресвятую твою память.

Слава, глас 2:

**П**устыни, иже прежде имуци жилище  
бесовская, / ныне же вселение бысть стаду уче-  
ник твоих, / собрание иноков, веселящеся,  
украшается, / в себе бо имея честны́я мощи твоя, /  
освящается различными добротами животочных  
чудес твоих, / созывающе весь мир к высоте  
Божиих славословлений. / Темже, сошедшеся  
днесь, / тебе предстояще, умильно вопиюще,  
молимся: / Сергие преподобне, / Христу предсто-  
яще, испроси́ Церквам единомыслие даровати / и  
православным христианом на враги одоление, / и  
миру смирение, / и душам нашим велию милость.

И ныне, Богородичен.

Славословие великое.

На Литургии: Блаженны преподобнаго.

В  
ТОЙЖЕ  
ДЕНЬ



### Обрѣтение мощей преподобнаго Мартиниана Белоезѣрскаго

Службу зри 12 января.

Тропарь, глас 7:

**От юности, отче, избран и возлюблен был еси**  
Господом Богом, / Иже, провидя доброе твое  
произволение, / научи́ ты приити преподобному  
угоднику Своему, Кириллу всеблаженному, / от  
негоже наставлен быв на путь спасения, / в

стра́се Божии и чистотѣ душе́вней, / в благоговѣ-  
нии же и непрестанных к Богу молитвах / жити́е  
твое непорочно прешѣл еси / и ныне, со дерзно-  
вѣнием предсто́я на Небесех Престо́лу  
Христову, / отче Мартини́ане всеблаженне, / не  
преста́й моля Христа Бога спасти и помиловати  
души наша.

**Кондак, глас 8:**

**Б**лагоизво́лив, преподобне, / от юнаго возра-  
ста рабóтати Гóсподеви день и ночь, / в стра́се  
Божии и благоговѣнии чистоту́ душе́вную соб-  
лю́л еси, / в молитвах же и бдѣниях ум твой  
предочи́стил еси, / в по́двизех же, злострада́ниях  
тело твое изну́рив, / вся добродетели духо́вныя  
испра́вил еси / и образ хотя́щим по тебе спаст́ся  
явился еси. / Темже ныне, пр́сно зря на Небесех  
Пресвяту́ю Троицу, / моли́ся, всеблаженне, даро-  
ва́ти душáм нашим спасение / и жити́ю нашему  
исправлѣние, / да вси верою вопи́ем ти: / радуйся,  
преподобне Мартини́ане, отче наш.

